



**Quæstionum Canonicarum, In Quinque Libros  
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

**Schlüter, Georg**

**Augustæ Vindelicorum, 1702**

§. 2. An promisso priùs obliget, quàm acceptetur

---

[urn:nbn:de:hbz:466:1-73058](#)

## ARTICULUS I.

*De Sponsalibus, in quantum dicunt  
promissionem.*

3. Ex data Sponsalium de futuro definitio-  
ne vel descriptione sequitur, requiri ad ea,  
futuri matrimonii promissionem; quæ, qua-  
lis esse debeat, vel sufficiat? exponemus in  
seqq. Haunoldus tom. 3. de Jus. tract. 9.  
n. 2. definit promissionem, quod sit *actus*  
*liber, obligatus ex Jusititia commutativa,*  
*ad aliquid alteri prestatum ex ipsis arbitrio;*  
*quæ promissio si sumatur præcisè*  
*pro actu promittentis, & antecedenter*  
*ad acceptationem promissarii, in Jure vo-*  
*catur Pollicitatio; & accedente accepta-*  
*tione, Promissio: Si autem huic accedit*  
*solemnitas, & forma; promissio solennis, seu*  
*stipulatio. Quia tamen non desunt, qui*  
*velint, promissionem stare cum restrictione*  
*voluntaria ad solam obligationem, fideli-*  
*tatis (*actus enim agentium non operantur*  
*ultra intentionem eorum L. cum in plures*  
*§. Locutorff. locati*) ideo species obliga-*  
tionis in definitione posita rectius omit-  
titur.
4. Ad omnem tamen promissionem legiti-  
mam esse necessarium *animum*, seu voluntatem  
se obligandi, communis tenet, ut vi-  
deri potest apud Benedict. Pereyram in  
Elucidario lib. 2. Elucidat. 11. Secf. 1. n. 968.  
ubi ex Lessio l. 2. c. 18. n. 2. docet, *eam esse*  
*spontaneam, & deliberata fidei obligatio-*  
*nem, factam alteri de re quam bona, &*  
*& possibili; & subiungit: non fore pro-*  
*missionem, si fidem non obliget; Nam per*  
*hoc differt a modo proposito; quod illa sit*  
*radix obligationis, secus istud; adeoque*  
*etiam non intimata vim habeat obligandi*  
*sub conditione, quod acceptetur; secus*  
*propositum. Nemo enim se obligat, nisi*  
*qui animum habet se obligandi, ut docet*  
*glossa in c. literaturam, de Voto, V. proponens.*  
*ex L. obligationum, ff. de Actionib. & Obligat.*
5. Porro legatum dicitur, quod sit, vel  
omittitur, lege approbante, vel permit-  
tente. Nam *legitimè factum*, importat  
*factum, & modum, ut ait Menoch. in Reg.*  
*factum legitimè, de Reg. Jur. in 6.; vel, ut*  
*docet Abbas, c. consanguinei, de Re judi-*  
*cata, factum, Juris ordine servato. Quo-*  
*niam autem contingit, eundem actum,*  
*fieri lege illum præcisè prohibente, sed non*  
*annullante, adeoque exerceri illicitè, sed*

*validè (ut contingit in matrimonio con-*  
*tracto cum impedimento solum impe-*  
*diente) fieri potest, eundem actum esse*  
*factum legatum, & illegitimum; legitim-*  
*um, quia conformatur legi, quod valo-*  
*rem, eum approbanti; illegitimum, quia*  
*adversatur legi præcisè illum prohibenti,*  
*non annulanti. Ex utroque enim fore*  
*simpliciter illegitimus. Cum autem plu-*  
*res dubitationes oriri possint circa pro-*  
*missionem, ad valorem sponsalium requi-*  
*sat, de his in seqq breviter dicemus.*

## §. 1.

*De Promissione Mutua.*

Promissio mutua exigit Promissarii pro- 6.  
missionem reciprocam, seu re promissionem  
promittenti factam, eamque vel expressam,  
vel tacitam, sic, ut quelibet sufficiat, teste  
Thom. Sanch. de mar. l. 1. d. 5. n. 1. Que-  
stio nunc est, an ad valorem sponsalium re-  
quiratur promissio futuri matrimonii mu-  
tua? Responsio est affirmativa: sic Joan.  
de Luca l. 14. p. 2. discurs. 8. n. 4. cum  
communi. Quia sponsalia important  
obligationem voluntariam, eamque mu-  
tuam, quæ non oritur nisi ex mutuo con-  
fusu, ut colligitur ex L. Stichus §. natura-  
lis ff. de Obligat. cum sponsalia numerentur  
in pactis, quæ requirunt duorum, vel plu-  
rium consensum in idem, ex L. 1. ff. de  
Pactis. 2. quia alias uni sponsorum (qui  
scilicet non promisit) pro liberta licet  
a sponsalibus recedere, contra communem. 3. quia sponsalia mutuo consensu dis-  
olvuntur; ex c. Præterea h. t. quod non  
fieret, nisi mutuo consensu contracta es-  
sent. 5. quia validè probabile est, ex eo,  
sponsalia in numero plurali dici, quod re-  
quirant duplē promissionem, præser-  
tim, quod à Juris. Consultis ex cit. L. 1. vo-  
centur re promissio, id est, promissio recipro-  
ca, seu ut notat Pereyra cit. n. 969. promis-  
sio promittenti facta. Ex hoc enim ipsi  
contrahentes dicuntur sponsi, seu promissi.

## §. 2.

*An promissio prius obliget, quam  
acceptetur?*

Ante resolutionem supponendum, 7.  
obligationem, aliam esse Naturalem, *aliam*  
*Civilem; illa est, que oritur ex*  
*vinculo Juris naturalis, & obligat in fo-*  
*ro Conscientia, licet ei Jus humanum*  
*non*

non concedat actionem; ista verò, cui conceditur actio in foro externo; si autem oritur solum ex quadam honestate, & decencia, naturalis quidem vocari solet, sed minus propriè, nec aliud est, quam debitum honestatis, & decencie; his præmissis, Resp. I. ex simplici promissione (quæ intelligimus consensum promittentis nondum acceptatum) nullam nasci obligationem naturalem. Ita Less. l. 2 de Jus. c. 18. d. 6. n. 38. cum communi. Ratio est, quia nulli invito jus acquiritur; alias positivè nolenti habere alterum obligatum, posset quis naturaliter obligari. 2. Quia nemo vovens obligatur DEO, voluntum non acceptanti; ergo consensus meus, licet ex parte mea sit perfectus, non obligat naturaliter, cuius ratio est I. quia etiam promissio simplex tacitè imbibit conditionem, si alter velit, ut notat Gobat. cit. tr. 10. n. 21.

§. Secundò, quia ante promissionis acceptationem, nondum habetur unio voluntatum, inter promittentem & promissarium, sine qua nec fidelitas, nec Justitia obstringit; alias enim, qui legem, vel obligationem aliquam constituit, potestate absoluta, & liberâ (nimirū independente ab alio) quamdiu talis manet, non posset illam licite revocare invito altero, licet hic illum nollet habere obligatum. Cujus ulterior ratio est; quia nostri actus merè interni, adeo secreti sunt, ut nec ab Angelis naturaliter cognosci possint, nobis non volentibus, ac (ut in tractatu de Angelis probavi) nobis non manifestantibus immisione specierum eius, cui notas volumus; ergo quamdiu subsunt huic naturali secreto, sunt sub pleno dominio nostro, non tantum, ut possimus eos liberè occulare, vel revelare; sed etiam sine ulla Injustitia, vel violata fidei notâ, retractare absque ulla alterius voluntate (hoc enim exigit plenum dominium) at sic nullam pariunt eisipso Justitiae, vel fidelitatis obligationem; ergo.

9. Confirmatur; quia *Jus actionum* (nimirū strictæ Justitiae) est facultas legitima percipiendi formaliter, & directè comodum libertatis propria ex usu aliquipue rei, ut alias docui in *Theolog. de Jur. & Jus. q. 1. a. i.* hæc autem nulli acquiritur invito. Nam eo titulo diciuntur facultas legitima, quod sit munita fa-

Tom. IV.

vore legis, aut pacti legitimi; qui autem, talem favorem, vel nescit, vel non vult, Jus non acquirit, ut patet ex plurimis exemplis, heredis, hereditatem resurgentis; vel, legatarii legatum non acceptantis &c. Nam Jus actionum adversus eum, qui ex Justitia obligatur, fundatur in illius voluntate, qui dicitur habere tale Jus. Obligatio enim Justitiae ex conceptu suo proximâ habet voluntatem alterius, in commodum sua libertatis alterum obligantis juxta favorem legis, aut pacti legitimi, quo illi jus constitutum est: ergo ante voluntatum unionem, atq; ad eō ante promissionis acceptationem, Promissarius ex natura rei nullum jus acquiret exigendi promissum, nec promittens obligationem praestandi debitum.

R. 2. Ex simplici promissione nullam 10. quoque nasci obligationem Civilem. Nam pacto nudo non conceditur actio Jure Civili, sed tantum exceptio, ut dicitur L. Juris gentium §. sed cum nulla sit de pactis. & L. 10. C. eodem; ergo à fortiori, nec simplici promissione, quæ est quid inferius pacto nudo. Sed nec in Jure Canonico habetur, quod promissio simplici concedatur actio. Et idèo, quamvis Episcopo (in c. si tibi absenti, de Præbend in 6.) prohibuit sit post beneficium absenti collatum, pœnitere, vel illud conferre alteri ante collatarii resolutionem, restrictio tamē potestatis non est ex jure acquisito Promissario ante acceptationem (ut rectè notat Flamin. de Resign. benefic. l. 10. q. 8. à n. 5. Sanch. l. 1. d. 7. de matr. n. 20. & l. 3. D. 36. n. 4.) Sed ex thera dispositione Juris, eo, quod Episcopus conferat beneficium ex necessitate, cum si retinere non possit; & collatione semel factâ jam functus sit officio suo, sic Gonzalez ad 8. Regul. Cancell. gloss. 26. n. 14. Covat. l. 3 Variarum c. 16. n. 1. apud Barbos. in cit. c. si tibi absenti.

Pro his, quæ sunt in contrarium, not. I. quando l. 10. ff. de Donat. dicitur: donatario non acquiri dominium rei donatae, licet apud eum sit, si nescit donatam esse, nisi eâ mente servo data sit, ut statim ejus fiat: potius confirmati, quam impugnari dicta. Ex hoc enim habetur, donatione, quantumvis ex parte donantis perfectâ, rem donatam non transire in dominium donatarii ignorantis, nisi ejus loco servus acceptet, qui etiam, inscio domino, ei

A 2

acqui-

acquirere potest, ut colligitur ex l. 4 de Pollicit. ibi: *cum non appareat mutata esse domini voluntas, cuius loco servus acceptare potest, ut dictum est.* Not. 2. Concedi, Fidelitatem obligare ad præstanta facta conformia verbis, seu promissioni, quando promittentis consensus perfectus est, *unione utriusque voluntatis*, ut exposuit n. 8. non autem, quando perfectus est solum ex parte promittentis; alias obligaret me illi, qui non vult me sibi obligatum, adeoque etiam in invito jus nasceretur.

12. Not. 3. Cùm dicimus: *obligationem non nasci ex promissione, nisi accedat ejus acceptatio*, debere intelligi de acceptatione, vel ipsius Promissarii, vel alterius, qui ejus nomine aut stipulari, aut acceptare legitime potest. Hinc, quando l. 3 ff. de Pollicit. dicitur: *promissum, ex pollicitatione Reipubl. factum, ob honorem ab illa acceptum, posse quasi debitum exigere.* Item, *omnimo modio teneri eum, qui Reipubl. promisit ob incendum, ruinam: aut à petitione repellendum, qui rem ex pollicitatione traditam municipibus, vindicare velit; negandum esse, nullam intervenire acceptationem, etiam tacitam, seu fictam, nimirum inductam dispositione Juris, ejusmodi promissiones acceptantis, seu recipientis causâ boni communis.* Neque per hoc textui fit vis aliqua, quasi pollicitatio in significatione sua per hanc explicacionem impropriaretur; Lex enim non loquitur de pollicitatione strictè sumpta, prout supponit pro nudo actu promittentis; sed prout conjuncta juris dispositioni; ne dicamus etiam invito, aut positivè nolenti jus acquiri.

13. Not. 4. Cùm dicitur, dari quasdam pollicitationes (quas dicunt *privilegiatas*) quæ naturaliter obligant ante acceptationem (quales esse volunt illas, quæ sunt *firmae juramento, facta Ecclesia, hospitali, vel alteri pia cause*) dupliciter posse responderi. 1. Negando, si velint eas obligare ante omnem acceptationem, vel veram, vel fictam, nimirum juris dispositione inductam, quod effectum obligandi. 2. Negando simpliciter (quod naturaliter obligent, etiam juris privilegio) ut docet Layman in *Opere morali*, l. 3 tr. 4 c. 1 n. 3. Less. cit. n. 38. Pirhing de *Passis* §. 1. n. 2, & Alii? Quia nec in jure naturali, nec humano, talis favor, aut vis obligandi, ante

omnem acceptationem, illis concessa repetitur.

Hinc advertendum, cùm negamus promissiones juratas, ante acceptationem obligare naturaliter, debere intelligi non de juramento per se stante (hoc enim obligare potest, etiam non obligante promissione, sed solùm in vi *Juramenti*, hoc est, Religionis, non autem in vi *promissionis*, seu *Justitiae*, aut fidelitatis) sed de juramento purè accessorio promissioni. Nam, si hæc, antequam acceptetur, non obligat in vi *promissionis*, nec *juramentum* obligat in vi *religionis*; cùm tanquam accessoriū sequatur naturam sui principalis. Sic Gobat cit. n. 21. & alii communiter.

Not. 5. Ex eo, (quod debitor irrevocabiliter acquirat libertatem à debito, etiam ante suam acceptationem, ex sola voluntate creditoris liberaliter condonantis) non bene sequi. Promissarium irrevocabiliter acquirere jus ad promissum etiam ante suam acceptationem ex sola voluntate promittentis, liberaliter promissum offerentis; quia paritas in multis fallit. Ut enim in me jus desinat, & debitum in altero, sufficit perire unum ex constitutivis iuris; ut autem mihi *jus acquiratur*, non sufficit ponit unum constitutivum iuris, ut per se patet.

Ex dictis Colliges 1. Promissionem simplicem (nimirum nondum acceptatam) nullam parere obligationem, vel naturalē, vel Civilem ex n. 7. & 10. adeoque non sufficere ad Sponsalia (ita Sanch. l. 7. matr. d. 6.) cùm sic deficiat re promissio, & voluntatum unio. Colliges 2. promissionem non acceptatam, semper licet revari posse, quamdiu talis manet, esto firmata sit juramento, promissio accessorio; cùm id nec naturali, nec humano iure prohibetur. Castropal. cit. d. 1. de *Sponsal.* p. 3. n. 2. & sequitur ex dictis.

Dices tamen: ut iure Canonico (cui in materia Sponsalium, & matrimonii standum est) promissio alteri facta obliget, acceptatio non requiritur, ut patet ex c. 12. vieniens 5. *Qui Clerici, vel vocantes &c. ubi promissio, absenti facta, valida statuitur, quin illa mentio acceptationis fiat.* Sed Resp. in illo casu acceptationem esse factam per interpositam personam, que mandatum habuit, ut testatur ibidem Gloss. in V. *promisit*, ubi notanter addit, alius

alias nibil esset, si scilicet nec per alium promissio absentia facta, foret acceptata: Licet autem in textu hujus mentio non fiat; tamen hoc ipso, quod jus approbet, ut validam, promissionem factam absenti, denotare voluit, absentis nomine alium acceptasse; cum ex nullo contractu obligatio oriri possit, nisi ex mutuo consensu, ut colligitur ex L. 1. ff. de Pactis. §. in his, Institut. de Empt. & Vendit. L. contractus C. de Fide Instrument. L. 2. ff. de Action. & Obligat. & per Barbos. in cit. c. Veniens n. 3. promissio absentia facta, nullo pro eo acceptante, sit revocabilis in utroque foro ante acceptationem.

18. Dices, 2. promissio matrimonii facta infanti, revocari non potest, quoisque infans veniat ad etatem, in qua sit aptus acceptando, vel rejiciendo, quod sibi promissum est, argum. L. Jubemus. C. de Emancip. liber. Sed Resp. Negando Ant. ita Coniach. D. 22. d. 6. n. 36. contra Sanch. de matr. l. 1. D. 6. n. 27. Nec urget paritas ab Emancipatione. Hæc enim liberat filium ab obligatione, quam fundat in illo jus, concessum parenti ex privilegio juris positivi, cui pater, etim invito filio, renuntiare potest: at promissio non inducit obligationem ex aliquo, quod soli promittenti liberum est. Plus enim ad acquirendum, quam amittendum jus, requiritur, ut dictum est n. 15.

## §. 3.

An, acceptans promissionem matrimonii, hoc ipso tacite repermittat?

19. Affirmativam sequitur Basilius Pontius l. 12. de Sponsal. c. 4. n. 2. & 10. sed negativa probabilior est, quam tenet Sanch. l. 1. D. 5. Castropal. d. 1. de Sponsal. p. 3. n. 8. de Luca l. 14. p. 2. decision. Rote, discursu 8. n. 4. & alii. Quia acceptatio promissionis absolutæ, ac merè liberalis, nec tacitè est repermisso, seu reciproca promissio promittenti, facta; ut manifestum est in acceptatione donationis, legati &c. 2. Quia in dato casu puella non acceptat matrimonium absolute contrahendum, sed tantum datum fidem, seu promissionem sibi factam de matrimonio contrahendo, si ipsa voluerit; hæc autem data fidei acceptatio nullo modo est repermisso; quia certum est, quod longè diversa sint, absolute

acceptare fidem datum de matrimonio contrahendo, cum acceptans voluerit; & acceptare matrimonium absolute contrahendum: ergo ex vi primæ acceptationis non infertur repermisso matrimonii, per promittentem fidem datam oblari.

Hinc sequitur 1. negandum esse, quod 20. omnis promissio futuri matrimonii, natura suâ, sit conditionalis, aut necessariò respectiva ad repromotionem contrahendi absolute matrimonii, licet sit acceptatio data fidei, praesundi futuro tempore contrahendum, si alteri placuerit; & ideo ea promissio fieri potest circa onus impositum promissario, sola intentione se, non alterum, gravandi, ut etiam tenet Pereyra cit. l. 3. n. 665. Sequitur 2. contra Pontium rectè negari, omnem promissionem matrimonii futuri, esse natura suâ essentia liter alligatum repromotioni futuri matrimonii, tanquam conditioni. 1. quia non est de natura promissionis, ut sic, prout dictum est. 2. quia nec est denatura promotionis futuri matrimonii, esse promissionem per modum contractus onerosi; quid enim prohibet, eam esse purè liberalem, & absolutam? & acceptari ut talen à promissario, quatenus est in sui favorem, habere alterum sibi obligatum, relicto sibi tempore deliberandi, quid expediat? an contracta ab altero obligatiovis executionem urgere? an obligationem remittere?

Hinc, esto transmittatur, quod, si viro 21. dicente: accipio te in meam uxorem, mulier respondeat: placet mihi, vel accepto, hæc acceptatio sit saltē tacita repromotione matrimonii de præsenti; negatur tamen, quod si viro dicente: accipiam te in meam uxorem, mulier respondeat: placet mihi, vel accepto tuam promissionem, hæc acceptatio sit, saltē tacita repromotione matrimonii de futuro, si loquatur de promotione pura, & merè liberali. Nam, quando vir dicit: accipio te in meam uxorem, vir per actualem suam promotionem (quantum est ex se) intendit mulieri constitutere jus in re, seu reale sui corporis ad usum conjugalem; hoc autem jus mulier sine repromotione non potest acceptare. 1. quia jus reale in corpus viri ad usum conjugalem, ex solo contractu conjugali nascitur, qui non stat sine repromotione mulieris. 2. quia si mulier sine repromotione illud jus reale à viro, ex parte sua

abso-

A 3